

# CYNGOR CYMUNED LLANELLYD, TAICYNHAEAF A BONTDDU

Cyfarfod Nos Fawrth, Ebrill 14, 2020

## Canslwyd y cyfarfod oherwydd Coronafeirws

[www.cyngorllanelltyd.cymru](http://www.cyngorllanelltyd.cymru)

### AGENDA oedd i fod

#### Gweddi

#### 1. Ymddiheuriadau:

#### 2. Datgan diddordeb:

#### 3. Cadarnhau cofnodion cyfarfod Mawrth 10, 2020

Nid oedd cyfarfod.

#### 4. Materion yn codi o'r cofnodion Mawrth 10, 2020

Eitem 8. ch. Llythyr (12/3/2020) oddi wrth Un Llais Cymru yn rhoi gwybod bod y Seremoni wedi ei gohirio oherwydd y coronafeirws.

#### 5. Materion Ariannol

a. Llythyr (30/1/2020) oddi wrth Swyddog Cymhorthydd Refeniw Trethi Annomestig, Cyngor Gwynedd yn ateb ein llythyr i Eitem 5.e. Cofnodion Ionawr 14, 2020.

Maent yn rhoi gwybod mae'r bil dal yn bodoli ar gyfer y toiledau er bod yr adeilad wedi ei gau. Maent yn rhoi gwybod hefyd mi fydd angen cysylltu â'r Swyddfa Brisio (Valuation Office Agency) i wneud cais i dynnu'r toiledau allan o'r rhestr ac i dynnu'r asesiad Trethi Annomestig oddi ar y toiledau.

Mi fydd angen i ni gysylltu â'r swyddfa Brisio drwy 03000 505505 neu [ratingwales@voa.gsi.gov.uk](mailto:ratingwales@voa.gsi.gov.uk). Bydd y Swyddog yn rhoi ein cyfrif ar "hold" hyd at 31.05.2020.

Anfonwyd copi o'r llythyr i'r aelodau.

b. Llythyr (20/3/2020) oddi wrth Swyddfa Archwilio Cymru yn rhoi gwybodaeth sut i gwblhau archwilio cyfrifon 2019 / 2020 oherwydd y Coronafeirws.

Anfonwyd copi o'r llythyr i'r aelodau.

c. Llythyr (23/3/2020) oddi wrth Swyddfa Archwilio Cymru yn rhoi fwy o wybodaeth sut i gwblhau archwilio cyfrifon 2019 / 2020 oherwydd y Coronafeirws. Mae'n rhoi gwybod mae rhaid i'r cyfrifon cael eu cymeradwyo gan y Cyngor yn ei gyfanrwydd!! Amgáu mae Ffurflen Flynyddol.

Llythyr (1/4/2020) oddi wrth BDO yn amgau: 'Hysbysiad archwilio i'r flwyddyn ariannol sy'n diweddu ar 31 Mawrth 2020', llythyr oddi wrth Swyddfa Archwilio Cymru ar effaith COVID 19' (gweler c. uchod), a Ffurflen Flynyddol (gweler c. uchod). Maent

angen gwybodaeth yr archwiliad erbyn Gorffennaf 10, 2020.

ch. Anfonwyd llythyr (20/3/2020) i Uned Archwilio Fewnol, Cyngor Gwynedd yn gofyn iddynt barhau fod ein Harchwilydd Mewnol i archwilio ein cyfrifon 2019 / 2020. Derbyniwyd ateb (23/3/2020) yn rhoi gwybod maent yn hapus i wneud y gwaith.

d. Bil (16/3/2020) Treth Annomestig Genedlaethol ar gyfer 2020/21 tuag at Public Conveniencs Bontddu oddi wrth Cyngor Gwynedd. Mae'n cael ei dalu trwy Direct Debit. Taliad 9/04/2020 = £27.43, ac yna £24.00 y mis (am 9 mis). Cyfanswm yn £243.43 (llynedd y cyfanswm oedd £239.33).

dd. Llythyr (20/3/2020) oddi wrth E.W. Owen a'i Chwmni yn cynnwys:

i. Copi o P60 am y flwyddyn yn diweddu 5/4/2020, a chopi o P30 yn rhoi taliadau gwnaethpwyd i HMRC.

ii. Bil am £192.00 am gwblhau PAYE am y flwyddyn yn gorffen 5/4/2020 ac am gyflwyno cyflog misol i HMRC ar-lein i gydymffurfio â RTI a pharatoi Tystysgrif Diwedd y Flwyddyn P60.

iii. Taliad misol i'r Clerc o Ebrill - £99.64

Taliad misol i'r Cyllid a Thollau - £24.80.

12(£99.64 + £24.80) = £1,493.28 y flwyddyn (gweler Eitem 5.c. Cofnodion Ionawr 8, 2019).

e. Llythyr (8/4/2020) oddi wrth Clybiau Ffermwyr Ifanc Meirionnydd yn diolch am ein rhodd o £50.

f. Llythyr (8/4/2020) oddi wrth ein cwmni yswiriant Zurich yn rhoi gwybod mae angen adnewyddu ein polisi ar 1/6/2020. Mae ein 'Long Term Agreement' wedi dod i ben.

Maent yn cynnig: 1 flwyddyn am £649.18, 3 blynedd am £638.41 a 5 blynedd am £627.65.

Ein taliadau gwnaethpwyd iddynt gyda 'Long Term Agreement' am 3 blynedd oedd:

2020 / 2019 - £622.89

2019 / 2018 - £618.26

2018 / 2017 - £613.78

2017 / 2016 - £1,021.47 gyda AON UK.

Anfonwyd y manylion i'r aelodau am eu dewis.

e. Balans yn y banc ar 29 Mawrth 2020: £8,806.28.

## **6. Mynwent Llanelltyd**

a. Llythyr (16/3/2020) oddi wrth Gwasanaeth Gwastraff ac Ailgylchu Masnachol, Cyngor Gwynedd yn ymwneud â Chasglu Gwastraff Masnachol 2020/2021 o'r fynwent. Os am wasanaeth fel y llynedd, bydd y casgliad yn wythnosol gydag un bin olwyn 240ltr drwy'r flwyddyn, y ffi i'w dalu yw £366.00 (y swm llynedd oedd £348.00). Bydd anfoneb am y swm yn cael ei anfon ymhellach ymlaen.

b. Llythyr (27/3/2020) oddi wrth Un Llais Cymru yn cynwys copi o 'National

Association of Memorial Masons (NAMM) Protocol' i seiri meini yn ystod argyfwng Covid 19.

c. Llythyr (7/4/2020) oddi wrth Un Llais Cymru yn amgáu copi o 'Reoliadau Diogel Iechyd (Cyfyngiadau Coronafeirws) (Cymru) 2020'. Mae'r rheoliadau newydd yn egluro'r trefniadau ar gyfer angladdau ac amlosgiadau; ac maent yn cadarnhau y gall mynwentydd aros ar ogor ond fod rhaid parchu cadw pellter cymdeithasol, yn ogystal â'r angen i gymryd pob cam rhesymol i gadw at y rheol 2 fetr mewn claddedigaethau.

## **7. Awdurdod Parc Cenedlaethol Eryri**

a. Cais cynllunio NP5/65/355A. Codi adeilad amaethyddol. Tyddyn Du, Bontddu.

Rhodddwyd gwybod i'r Parc (18/3/2020) bod yr adeilad wedi ei adeiladu.

b. Llythyr (25/3/2020) oddi wrth Llinos Williams yn rhoi gwybod bod ymwelwyr wedi parcio ceir tu allan i'r lle parcio y Parc sydd wrth Bont Llanelltyd. Mae bws mini yno hefyd.

Rhodddwyd gwybod (25/3/2020) i'r Parc iddynt gadw llygad ar yr ymwelwyr sy'n cerdded ar hyd y bont.

## **8. Gohebiaeth**

a. Llythyr (26/2/2020) oddi wrth Un Llais Cymru gyda manylion o sesiynau hyfforddi yn Gymraeg cynhelir yn Canolfan Hen Blas, Stryd Fawr, Y Bala. Y sesiynau bydd yn cael eu rhoi a'u dyddiad: Cod Ymddygiad (6/5/2020); Sgiliau Cadeirio (3/6/2020); Y Cyngor fel Cyflogydd (1/7/2020). Cynhelir y sesiynau rhwng 6.30yh a 9:00yh. Cost hyfforddant yw £40.

b. Wedi i fi wneud ymoliadau (16/3/2020) gyda Cyngor Gwynedd ar ran Mr Meurig Ashton i wneud gwaith ar y llwybr Golff, cafwyd wybod gan Swyddog Llwybrau bod y Cyngor am fwriadu gwneud rhywfaint o waith ar y llwybr. Rhodddwyd gwybod i Mr Ashton sydd ddim angen iddo wneud gwaith ar y llwybr. Gweler Cofnodion Chwefror 11, 2020 Eitem 10.b.

c. Galwad ffôn (21/3/2020) oddi wrth Mr Glyn Williams, gofalwr Neuadd Llanelltyd, yn rhoi gwybod bydd y Neuadd ar gau o hyn ymlaen.

Rhodddwyd gwybod i'r aelodau.

d. Llythyr (22/3/2020) oddi wrth Gethin Williams gyda chopi o lythyr anfonodd Arweinydd Cyngor Gwynedd i fusnesau twristiaeth y sir ynglŷn â Coronafeirws. Yn y llythyr mae'n dweud wrth y busnesau i gau eu parc / gwersyll / llety gwyliau ar unwaith oherwydd peryglon y Coronafeirws.

dd. Llythyr (24/3/2020) oddi wrth Cyngor Gwynedd yn rhoi gwybod mae holl doiledau cyhoeddus a meysydd chwarae'r Cyngor wedi cau am gyfnod amhenodol oherwydd Coronafeirws.

Anfonwyd copi o'r llythyr i'r aelodau.

e. Llythyr (3/4/2020) oddi wrth Gwasanaeth Cyfreithiol, Cyngor Gwynedd yn rhoi gwybod am Rybuddion Cyhoeddus i wahardd trafndiaeth dros dro gan gau encilfa sydd ar ochr orllewinol i Bontddu ac ar ffordd yr A496. Daw'r gorchymyn i rym ar y 27ain o Ebrill, 2020 ac y pery am 12 mis. Ar hyn o bryd disgwylir gellir cwblhau'r gwaith o fewn tua 12 mis i gael mynediad i Goedwig Bontddu i dorri coed.

Anfonwyd y wybodaeth ymlaen i'r aelodau.

## **9. Adroddiad Cyng. Peredur Jenkins**

a. Llythyr (22//3/2020) i'r aelodau oddi wrth Elfed ap Gomer angen y Cyngor ysgrifennu at gyrff perthnasol i ddatgan ein siom a'n pryder fod cymaint o ymwelwyr yn gweld y cyfnod hwn, a orfodwyd arnom gan Covid-19, fel cyfle i 'ddianc' i'r wlad, yn hytrach na chadw yn eu cartrefi fel y dylent. Mae'r gwahaniaeth rhwng llun o sgwâr mewn dinas yn yr Eidal ddoe, dyweder, a llun wedi'i dynnu ym Mharc Eryri ddoe yn arswydus o drawiadol a dweud y lleiaf.

Mae ein Haelod Seneddol, ynghyd â'n meddygon, yn taer apelio ar i bobl ymddwyn yn gyfrifol a pheidio â gorrwytho adnoddau cymunedau gwledig Gogledd Cymru. Gwn fod nifer yn pryderu yn y cwm yma fod cynifer yn mynd i fyny at Lwybr Llanelltyd, cymaint yn wir nes bod un cerbyd wedi mynd yn sownd yn y cae o dan y Foel ac angen ei achub, wedi iddo fethu â chael lle i barcio wrth y tŷ. Mae'r hunanoldeb hwn yn rhoi pobl ddiniwed mewn perygl diangen.

Cytunodd Peredur Jenkins (22/3/2020) cysylltu â Chadeirydd Cyngor Gwynedd ynglŷn â'r mater.

b. Llythyr (30/3/2020) oddi wrth Prif Weithredwr, Cyngor Gwynedd anfonwyd i Gynghorwyr Cyngor Gwynedd yn ateb materion codwyd ganddynt. Bydd ymdrech yn cael ei wneud i wahardd teithio di-angen ar lwybrau, bydd arweiniad yn cael ei roi gan y Llywodraeth ar gyfer gweithwyr gofal a gwastraff, mae anhawsterau trin pobl sy'n aros mewn tai gwyliau, a bydd plant ac oedolion yn parhau derbyn cefnogaeth briodol.

Anfonwyd y llythyr ymlaen i'r aelodau.

## **10. Materion Brys**

Yn gywir, H.M. Edwards, Clerc